

2 TESARONIKA

Jesus hã h'yy ka'eeh do panang Tesaronika häd näng doo
bã habong do hã ta jawén Paw-Ro rama erih do hahÿÿh.

1 ÿ Paw-Ro, Siras, Tsimoot daheeh, ãã edëng bëëh, Tesaronika panang bã habong doo, Jesus Kristo Tak'ëp Hyb N'aa Jawyk Do hã h'yy kata däk doo, P'op Hagä Do ër Yb hã h'yy kata däk doo.

² ãã karën P'op Hagä Do ër Yb, Jesus Kristo Tak'ëp Hyb N'aa Jawyk Do na-ããj hë ky en'yym bë hã. ãã karën baad bë rah'yyb en'yym.

P'op Hagä Do wë Paw-Ro ratsebé do ky n'aa hahÿÿh

³ ãã wakãän, hajõõ nuu me P'op Hagä Do wë ãã tsebé bë hyb n'aa. Baad né tii d' ãã bad'oo. “Taw'ãäts hë òm. Ky enyym òm sa hã”, näk ãã kyyh P'op Hagä Do hã. ãã tsebé ta hã, Jesus hã bë h'yy kae magyys hë do hyb n'aa, bë da hadoo do bë kamahän magyys hë do hyb n'aa na-ããj né hë. ⁴ Ti hyb n'aa, P'op Hagä Do hã h'yy ka'eeh do wób sa hã ãã her'ood bã bë ky n'aa, ãã j'aa etsë bëëh. ãã her'oot sa hã, h'yyb jawyg gó bë babok, dooh bë h'yy gejë hõm bã Jesus hã bë h'yy ka'eeh do hã, bë ta wób rarahejã né paawä, kanahën né paawä bë hã hajõõ nuu me.

⁵ Baad ub da P'op Hagä Do ky n'aa etyy sahõnh hë, ji bahapäh ta tii hã. Baad ub sahõnh hë P'op Hagä Do ky n'aa etyy do hyb n'aa, bë hã P'op Hagä Do anoo da hÿ pong jé, tabag'ãäs doo bã, ta sii bë baboo had'yyt hë hyb n'aa. Tabag'ãäs do karapee bë bahadoo do hyb n'aa, da hë bë ahoop baad nadoo doo. ⁶ Baad ub P'op Hagä Do anoo da sahõnh hë sa hã ta säm. Baad ub P'op Hagä Doo. Dooh tesõõts hõm bã. Tarahejãã da bë hã rejãã doo. ⁷ Bë hã kä, da hë baad nadoo do hah'oop doo, baad bë babok da tan'oo bã. Ti hadoo tabanoo da ãã hã na-ããj hë. Tii d' tabad'oo da Jesus, ër Wahë N'aa bahyng noo gó ta ãäs tak'ëp haj'ap do sii hë hÿ pong jé naa tëëg hõõ mahang. ⁸ Tii bã kä, P'op Hagä Do nahapäh doo, Jesus ër Wahë N'aa ky n'aa hanäm do ky nadah'eeh do P'op Hagä Do rejã kãn da. ⁹ Sa hã ta säm tabaaj kãn da. Tarejã had'yyt hë kä. Rahob had'yyt hë kä tamo haj'aa. Tak'ëp Hyb N'aa Jawyk Do mahänh, Tak'ëp Hyb N'aa Jawyk Do hejój mahänh, ta bag hetsooh do gabarëeh do mahänh P'op Hagä Do ah'eed h'üüm da tii.

¹⁰Tii d' tabad'oo, p'aa hēnh Jesus bahyng noo gó kā, sahōnh hē ta karapee, ta hā h'yy ka'eeh doo, ta hā raweh'ëëh hyb n'aa, ta hā rakasab'ee hyb n'aa. Ti noo gó ta hā j'aa etsë do wób né da bëeh, ta ky n'aa bë hā äā her'oot do bë ky dahé dāk do hyb n'aa.

¹¹Ti hyb n'aa, P'op Hagä Do ër h'yy kaha'eeh do hā hajōō nuu me äā ky n'aa etsëë bëeh. Äā ky n'aa etsëë, bë hā tabanoo hyb n'aa baad, ta karapee rababok doo da bë babok hyb n'aa, bë tawén tsyyd bong. Äā ky n'aa etsëë na-äāj hē, ta hejój me tabanoo bë hā sahōnh hē baad hadoo do ta hā bë h'yy ka'eeh do hyb n'aa bë moo bok bë karēn do bë bahajaa hyb n'aa. Äā ky n'aa etsëë, baad hadoo bë hyb n'aa newëë do bë bahajaa hyb n'aa.

¹²Tii d' äā wén ky n'aa etsëë, bë hyb n'aa Jesus ër Wahë N'aa kawehëë dāk hyb n'aa, bë na-äāj hē bë kawehëë dāk hyb n'aa ta hyb n'aa. P'op Hagä Do ër h'yy kaha'eeh doo, Jesus Kristo Tak'ëp Hyb N'aa Jawyk Do na-äāj hē, ji wë raky en'yym nes'aa né paawä ji. Ti hyb n'aa tii d' tawén hadoo.

Aj'yy h'yy kawareem do yb ky n'aa hahÿh

2¹⁻²Hÿÿ kā äā wakāän hedoo doo, Jesus Kristo ër Wahë N'aa p'aa hēnh tabahyng do ky n'aa kā, ta wë ër mamuun do ky n'aa kā, äā karēn dooh nayyw hē bë h'yyb manepëë boo bä Jesus ewäd hyng p'aa hēnh ranoo bä, daap ramenä bä. P'op Hagä Do Sahee ti ta ti metëëh do sa hā ranoo bä paawä, äā maher'oot ranoo bä, sa hā äā ma erih ta ti ranoo bä paawä, bë ky dahé manäh! Daap ramenyh. ³Bë h'yyb manepëë manä rahe'oot do hā.

Jesus matëëh do pooj jé, hajök badäk hahÿ haw'ääts hē habong do P'op Hagä Do hā rah'yy kawareem da. Aj'yy, h'yy kawareem do yb, sahōnh hē P'op Hagä Do ky n'aa jaw'yyk do wë h'yy kawareem doo, kasee da pooj jé. Jesus gawats'iik da tii. ⁴P'op Hagä Do majjī yb da tii. P'op Hagä Do hā tah'yy kawareem da. Sahōnh hē rah'yy kaha'eeh do bahānh takarēn tanu gadäk. Ta daaj hē, ta hā hē tah'yy ka'eeh da. P'op Hagä Do tób n'aa yt hā da tabajëë suun. Tii bä da tabasoo, takarēn da sahōnh hē tabag'ääs hyb n'aa. “ÿ né hē P'op Hagä Doo”, näng da, daap tamenyyh bä sahōnh hā.

⁵Dooh bë hyb n'aa es'ee boo bä, hajōō nuu me ti ky n'aa paa ÿ baher'oot bë hā bë mahang ÿ hawäd wät noo gó?

⁶Bë hapäh, da hē ti anäng nä ta ti aj'yy h'yy kawareem do yb hewaot doo, jääm né hē takasee hyb n'aa P'op Hagä Do h'yyb däng bä. ⁷Badäk hahÿÿ bä habong do rah'yy ganenä né paawä,

da hē Nesaa Do Yb du do dāk tah'yyb metëek sa hã, P'op Hagä Do ky n'aa jaw'yyk do hã rah'yy kawereem hyb n'aa. Tii d' tahado né paawä, h'yy kawareem do yb tahewaata do tamasoo nä tii, takanasee hyb n'aa nä. Ta ti tameso had'yyt hē, P'op Hagä Do bado hōm bā kā ta ti h'yy kawareem do yb tamasoo doo. ⁸Tii bā da h'yy kawareem do yb, sahōnh hē P'op Hagä Do ky n'aa jaw'yyk do wē h'yy kawareem doo, kas'ee kån da badäk hahÿÿ bā. Ti hadoo né hē Jesus gawats'iik da ti ta kyy me. Ta bag tak'ëp gabarëeh do mahang Jesus matëeh do hyb n'aa, Jesus bado hōm da sahōnh hē nanäng hejój.

⁹H'yy kawareem do yb kasee bā da, Nesaa Do Yb anoo da ta hã tak'ëp ta hejój. Tapehuunh da. Meuj n'aa näng da tamo haj'aa. Baad kahed'oo tapehuunh doo. ¹⁰Hajōng baad nadoo doo me tawedii da tabanesaa doo hēnh hah'ũum doo. Tabanesaa hēnh rawén hōm, P'op Hagä Do ky n'aa hanäm do raky nadaheeh, raganen'aak do hyb n'aa. P'op Hagä Do ky n'aa hanäm do raky dahé bā paawä, P'op Hagä Do ed'ëp paawä ta wē. ¹¹P'op Hagä Do raky nadaheeh do hyb n'aa, rah'yyb manepëe bong P'op Hagä Do an'oo bā. Ti hyb n'aa, rah'yyb manepäh do hyb n'aa, raky daheeh da h'yy kawareem do yb kyy kã. ¹²Tii d' tawén hadoo, sahōnh hē panyyg hanäm do ky nadah'eeh doo, baad nadoo doo gó rababok gen'aak doo, tabanesaa hēnh P'op Hagä Do ky n'aa etyy hyb n'aa kã.

Dooh baad hadoo do hã ji h'yy gajëe hōm bā do ky n'aa hahÿÿh

¹³Ãã wakãan hedoo doo, Tak'ëp Hyb N'aa Jawyk Do kamahän doo, hajōõ nuu me P'op Hagä Do wē ãã tsebé bē hyb n'aa. Sahōnh hē tadu dahäng do noo gó bē tasëew hōm, bē h'yyb tym tabed'ëep hyb n'aa. Ti hyb n'aa P'op Hagä Do wē ãã wén tsebé. Bē h'yyb tym tabed'ëep, tsyt hē baad had'op bē babok ta Sahee an'oo bā do hyb n'aa, panyyg heh'äat ub do bē ky daheeh do hyb n'aa na-ããj hē. ¹⁴P'op Hagä Do bē tatsyyd bong Jesus ky n'aa hanäm do bē hã ãã maher'oot doo me. Bē tatsyyd bong, Jesus Kristo ër Wahë N'aa hejój gó, ta bag gabarëeh doo gó Jesus sii bē babok hyb n'aa. ¹⁵Ti hyb n'aa, wakån haa, bē h'yy gejë hōm manäh. Bē eréd manä baad bē ky daheeh do sahōnh hē bē hã ãã metëek doo, ãã ma erih doo me, ãã her'oot doo me na-ããj hē.

¹⁶⁻¹⁷Jesus Kristo, ër Wahë N'aa hã, P'op Hagä Do ër Yb hã na-ããj hē ãã ky n'aa etsëe bëeh, bē rah'yyb en'yym hyb n'aa, bē rah'yyb hej'oonh hyb n'aa baad hadoo do bē moo boo had'yyt hē hyb n'aa,

baad hadoo do bë her'ood had'yyt hē hyb n'aa na-ããj hē. P'op Hagä Do ër Yb, ti né ti ër takamahãn doo. Ër wë taky enyym do hyb n'aa, ër h'yyb enyww däg had'yyt hē tan'oo bã, baad hadoo do ër hã taky däng do ër gahëen tan'oo bã.

Paw-Ro karën sa hyb n'aa raky n'aa etsëe do ky n'aa hahÿÿh

3 ãã wakããn, ta see ky n'aa ãã erih hÿÿ kä. Bë ky n'aa ets'ëe ããh, nayyw hē jé pad'yyt hē sahõnh hē rapanyyg enä hõm hyb n'aa Jesus, Tak'ëp Hyb N'aa Jawyk Do ky n'aa jé pad'yyt hē baad ta ky n'aa ragadoo hyb n'aa bë gado däk doo da. ²Bë ky n'aa ets'ëe na-ããj hē ããh, ãã Jesus bed'ëep hyb n'aa ajyy ky nesaa do sa moo mahãnh. Tii d' ÿ wén etsëe, dooh sahõnh hē Jesus hã rah'yy kae bã do hyb n'aa.

³Doooh Jesus, Tak'ëp Hyb N'aa Jawyk Do h'yy gajëe hõm bã ji hã. Tamoo wät né hē ji hã taky däng doo. Bë da tah'yyb hej'oonh bë nerét hyb n'aa ta hã bë h'yy ka'eeh doo. Bë da tamo n'aa jesuu Nesaa Do Yb mahãnh. ⁴Bë ãã ky daheeh Jesus an'oo bã. ãã hapäh, bë moo boo had'yyt né hē bë hã ãã mejüü doo. ⁵Jesus hã ãã ky n'aa etsëe, bë tah'yyb mahüüm hyb n'aa, bë P'op Hagä Do kamahãn baad ub bë bahapäh hyb n'aa, Kristo h'yy ganajëng doo da baad nadoo do tabahoop noo gó, bë h'yy ganejë hyb n'aa na-ããj hē.

Jesus hã h'yy ka'eeh do moo nehõnh do ky n'aa hahÿÿh

⁶ãã wakããn, Jesus Kristo, Tak'ëp Hyb N'aa Jawyk Do kyy gó bë ãã mejüü, bë kamanekuunh hyb n'aa Jesus hã h'yy ka'eeh do moo nehõnh do sa mahang, ãã ma metëek doo da nabok doo. ⁷Tii da ãã wén mejüü, bë hapäh né hē taw'ããts hē ãã babok doo da bë babok. Doooh ãã moo nehõj bã bë mahang ãã babok noo gó. ⁸Doooh ãã awa bã bë waa bag hënh. Tak'ëp ãã moo bok ãã waa sãm hã adëb bã, atsëm na-ããj né hē, bë ãã daap yb mahãnh. ⁹ãã karën bã paawä, taw'ããts hē né hē paawä bë hanaa ãã gadoo. Taw'ããts hē paawä tii da, dooh tii da ãã karën ãã adoo bã. ãã daaj hē ãã waa sãm, ãã ma sãm hã ãã wén moo bok, ãã hã bë bahapäh hyb n'aa nyy da baad ub ji bawät. ¹⁰Bë mahang ãã babok noo gó hahÿÿ da bë ãã maher'oot: “Bë an'oo manä moo nawät pé ta tä, ta waa”, näk ããh. ¹¹Tii da ãã wén mejüü, ãã ky n'aa napäh do hyb n'aa raher'oot doo. Ti abong mã ta wób moo nabok do bë mahang, sa nooh. Boo kahah'üünh né hē tii. Sa da hadoo do rah'yyb panas'ëeh.

12 Jesus Kristo, Tak'ëp Hyb N'aa Jawyk Do kyy gó ãã mejũũ ta ti hadoo doo, tii da ranabok hyb n'aa. Taw'ããts hẽ dooh sa da hadoo do rah'yyb panasã bã. Taw'ããts hẽ sa waa sãm hã ramoo bok. 13 Bëë kã, ãã wakããn baad habong doo, bë h'yy gejë hõm manã baad hadoo do bë moo bok do hã.



14 Bë wakããn hadoo do Jesus hã h'yy ka'eeh do see ky nadahé bã hahỹ ãã ma erih doo gó ãã mejũũ doo, taw'ããts hẽ bë metäh sahõnh hẽ sa matym gó. Bë aboo manã ta sii, tanu mebyng hyb n'aa.^a 15 Sahõnh hẽ sa matym gó bë metã né paawã, bë ty n'aa gesyng manã ta hã. Dooh bë majĩ tado bã. Bë wakããn had'yyt hẽ. Taw'ããts hẽ bë maher'ood ji wakããn ji kamahãn do ji maher'oot doo da.

Sa hã Paw-Ro kedëë hõm do ky n'aa hahỹh

16 P'op Hagã Do hã ãã ky n'aa etsëë, Tak'ëp Hyb N'aa Jawyk Do ji h'yyb nyw hanoo do bë tah'yyb nãw had'yyt hẽ. ãã ky n'aa etsëë, bë mahang Tak'ëp Hyb N'aa Jawyk Do bawãd had'yyt hyb n'aa.

17 Y Paw-Ro, bë y hyb n'aa esee. Tagadëëg ub, moh yỹ me né hẽ y berii kãn y bahed'oo doo da. Tii d' bë bahapãh mo haja yỹ. Hahỹ hadoo né hẽ y erih do mo haja yỹ.

18 ãã karën Jesus Kristo, ër Wahë N'aa, ky ennyw had'yyt hẽ sahõnh hẽ bë hã. Jããm hẽ kã.

^a 3.14 Ta ti hadoo do sii ji wén nawät, tanu mebyng hyb n'aa. Tanu mebyy bã, ta h'yyb tawareem kãn baad ub tabawät hyb n'aa kã.